

TI AJBALIL YU'UN MEJKO

Ta smantalil yu'un artikuloetik 1º, 2º, 39, 90 xchi'uk 133 yu'un Constitución Política ta Estados Unidos Mexicanos; ti artikuloetik 1 xchi'uk 6 yu'un Convenio 169 ta Organización Internacional yu'un Abtel (OIT) sventa ti Pueblos Indígenas xchi'uk Tribales ta Países Independientes; 19 xchi'uk 32 sventa Declaración ta Naciones Unidas sventa Derechos ta Pueblos Indígenas; XXIII ta Declaración Americana sventa Derechos ta Pueblos Indígenas; 25 inciso a) ta Pacto Internacional yu'un Derechos Civiles xchi'uk Políticos; 42 xchi'uk 44 ta Ley General yu'un Turismo; 1, 2 fraksion I, 10, 11, 12, 14, 16, 26, 27 fraksion I, II, VII xchi'uk XXIV yu'un Ley Orgánica ta Administración Pública Federal; 59 fraksion I yu'un Ley Federal ta Entidades Paraestatales; 1, 2, 3, 4 fraksionetik III, IV, VI, VII, XII y XXIII, 5, 6 fraksionetik I, II y VII y 9 ta Ley yu'un Instituto Nacional de los Pueblos Indígenas; 6 fraksionetik I, II, IV, XII, XVI y XVII, 69 fraksionetik IV xchi'uk VI xchi'uk 76 fraksionetik I, II, III, V xchi'uk VII ta Reglamento Interior yu'un Secretaría de Gobernación,

TA STA TA IK'EL

Tunel-abteletik xchi'uk opisinaetik ta munisipyoetik xchi'uk parajeetik sventanojik ti slumalil bats'i binik-antsetik Maya, Ch'ol, Tseltal, Tsotsil, xchi'uk yantik, oyik ta estaroetik yu'un Chiapas, Tabasco, Campeche, Yucatán xchi'uk Quintana Roo, oyik ta yosilal bu ta ech' ti "Muk'ul abtel yu'un Iekilal ta Tren Maya", jech xtok ti stekel naklejetik ta komon ta jujun estaroetik taje, sventa xk'ot yak'ik ye-slo'il-mantalik ta:

**MUK'UL KOMON JAK'EL TA SLUMAL BATS'I BINIK-ANTSETIK
XCHI'UK SK'AK'ALIL TA XLOK' YAK' YE-SK'OP TI NAKLEJETIK
SVENTA TI "MUK'UL ABTEL YU'UN LEKUBTASEL KUXLEJAL TA
TREN MAYA"**

Ti jak'el 'ayej ta slumalil bats'i binik-antsetik ta xlík ta vo'lajuneb (15) sk'ak'alil yual noyempre k'alalto ta vo'lajuneb (15) sk'ak'alil yual lisiempre sja'bílal 2019, ti ja' sventainojik ti Asambleas Regionales Consultivas. Jech xtok, ti sk'ak'alil ta xk'ot ta pasel ta ak'el ta ojtikinel ti snopben naklejetike ja' ta vo'lajuneb (15) sk'ak'alil yual lisiempre sja'bílal 2019, jech k'ucha'al ti:

SMANTALIL

Sjam-smelol:

Ti Ajbalil yu'un Republikae sna'oj ti slumal bats'i binik-antsetike toj tsots' sk'oplal ti tana k'ak'al li'e sventa xjel-xlekub ti skuxlejal sjunul Mejikoe, jech oxa'al ti jech ich'bil ta muk'

skuxlejal ta stojolal ajbalilete, jech oxa'al ti ochemik ta o'lol sat sventa spasel leyetik xchi'uk muk'ul abteletik. Jech oxa'al, ta muk'ul abteletik, ta xich' ich'el ta muk' ti snopben ti k'u yelan ta xlekub ti skuxlejale xchi'uk ta xich' ich'el ta muk' jujutos ti stalel-skuxlejale. Ti sk'anale ja' ti xlekub skuxlejal ti slumalil bats'i binik-antsetik ta sjunul slumal Mejikoe, jech ta melel ti ich'biluk ta muk' jujuntal ti kuxlejaletike xchi'uk ti lek pukbil xkom ti koltaeletike.

Jech tajne, ti k'alal laj yich' meltsanel xchi'uk ta xich' spasel ti "Muk'ul abtel yu'un lekubtasel kuxlejal ta Tren Maya", yu'un nopol ti ja' jun muk'ul abtel ti xu' slekubtas sjunul kuxlejal ta yosilal yolon Mejikoe xchi'uk ti Península yu'un Yukatan, jech sk'an pasel ti abteletike: stusel-chapanel osiletik, sk'elel-xcha'biel chonbolometik xchi'uk sjunul kosiltik, lekubel ta tak'in, tsobel ta komon, lekubel ta jujupbej na xchi'uk ti xcha'biel-sk'elel ti bo'ne kuxlejal komem yu'un totil-me'letik k'usi stak' jk'eltik xchi'uk k'usi mu xkiltike, xchi'uk skotok sk'usi bo'ne kuxlejal ta jujun lumetik.

Jech skotol taje, ba'yel sk'an jnoptik smelol ta komon xchi'uk k'otuk ta pasel ku'untik ta tsobel, sk'an jak'el-lo'iltasel xchi'uk ti lumetik, naklejetik ti bats'i binik-ants oyik ta yosilal ti muk'ul abtelale, yo' jech jujuntal ak'o yal, ak'o yak' ta na'el ti snopbene, ti skuxlejale, jech xtok, sventa ak'o yal ti k'u yelan ti jun lume xu' stik'sba ta abtel, k'u yelan xu' sta ta makiel ti lekilale, ak'o staik ta komon ti lekilal kuxlejale.

Jech k'ucha'al lajxa yich' alele, ti jech k'alal stak' xkak'tik ta ojtikinel ti sonpben ku'untike, jay jech ta xmuk'ib, ta ta stsatsub ti komon ich'el ta muk'e, ti ta ko'ol ich'bilotik ta muk'e, yu'un ti ko'olotik ta komone, ti jech ko'olotik ta komone ma'uk no'ox ja' sventainoj ti politikae, yu'un sk'an ja' jechuk-o sventa xlekub ti jkuxlejaltik, xlekub oyuk tak'in, xlekubel ta komom naklejetik, xchi'uk ti skuxlejal-stalel ti lumetike, yu'un ti Ajbalil ta Republikae oy ta yo'nton sk'an chojtikin ti juju tos lo'iletike, sventa jech ti ajbalile s'uj ti k'usi lek ta pasele, sventa xk'ot ta pasel yu'un ti poko' chapbenal 1.2 yu'un ti Plan Nacional yu'un Desarollo, sventa ti ajbalil slikes ti ch'ichbe ta muk' ti ya'yej-snopben ti steklumale, ma'uk no'ox jun velta, yu'un sk'an jech sta'o yabil ti cha'ibe sk'op ti sjunul steklumale.

Jech taje, ti Ajbalil yu'un Mejikoe sna'oj ti tsots sk'oplal sk'an pasel ti ich'el ta muk', ti ich'bep ta venta ti snopbenale, ti a'yejale, ta komon, ti mu'yuk buch'u chich' makele, sventa jech ta komon xich' chapanel, chich' tsobel ti lo'il xchi'uk ti parajeetike, ti slumalil ti bats'i binik-antsetike xchi'uk naklejetik ta komone.

I. TI JAMAL XCHI'UK LEK BA'YEL CHOLBIL SLO'IL-SMELOL SVENTA SJAK'EL SNOPBEN TI SLUMAL BATS'I BINIK-ANTSETIKE

A. K'usi sk'an spas ti jak'el ich'el ta muk'e

Ti jak'el ich'el ta muk'e ja' ta sk'an spas:

1. Likesel lo'il xchi'uk ti slumal bats'i binik-antsetik sventa xich' tamel a'yel-lo'il ti k'usi snopik ta stojol ti "Muk'ul abtel yu'un lekubtasel kuxlejal ta Tren Maya"; xchi'uk

2. Likesel komon chapanel k'op xchi'uk ti slumal bats'i binik-antsetik oyik ta sbanomil-yosilal yo' bu ta x-ech' ti muk'ul abtele, yo' jech ich'bil ta venta xkom ti sk'op, ti k'u yelan ta sta koltael xchi'uk lek ta komon pukbil ta xkom ta komon ti lekilal yutsilal ti muk'ul abtele.

A. Ti k'usi ta jak'ele

Ti k'usi ta jak'ele ja':

Smelol smeltsanel ti "Muk'ul abtel yu'un lekubtasel kuxlejal ta Tren Maya" yu'un ja' te nitil-tsakal sk'oplal skuxlejal ti bats'i binik-ants ta xich'ik jak'bele.

B. Ta ojtikinel ti tsopbanejetik sventa ti komon jak'ele

- i. Jtunel sbainoj.- Ja' sbainoj li Fondo Nacional yu'un Turismo, FONATUR.
- ii. Chabibanej yo' lek xk'ot ta pasel. Ja' ti Subsecretaría yu'un Desarrollo Democrático, Participación Social xchi'uk Asuntos Religiosos yu'un Secretaría de Gobernación.
- iii. Tuk'ubtasbanej ta abtelaletik.- Ti Instituto Nacional yu'un Pueblos Indígenas, ja' ta xchanubtasban, ta sk'el ti lek ak'o k'otuk ta pasel ti komon jak'ele.
- iv. Tsobol muk'ul tuneletik ta sk'el ti abteletike.- Ta stsobsbaik ti jtuneletik ta x-abtejik ta opisinaerik yu'un ajbalil, pere ti sbainoj xtok ti yosilal-slumal bats'i binik-antsetike, ti ja' ta xk'opojik, ta xal slo'ilik, o ta stak'ik ti k'usi ta xich' jak'bele.

Ti tsobol muk'ul tuneletike ja'ik: Ti Secretaría yu'un Medio Ambiente xchi'uk Recursos Naturales (SEMARNAT), Secretaría yu'un Akrario, Osiletik xchi'uk Muk'tik Lumetik (SEDATU), Secretaría yu'un Chanub bunetik (SEP), Secretaría yu'un Lekilal (SEBIEN), Secretaría yu'un Chameletik (SS), Secretaría yu'un Agricultura xchi'uk Desarrollo Rural (SADER), Secretaría yu'un Stalel Kuxlejal Lumetik (CULTURA), Secretaría yu'un Turismo (SECTUR), Secretaría yu'un Energía (SENER), Secretaría yu'un Economía (SE), li Comisión Nacional yu'un Vo' (CONAGUA), Instituto Nacional yu'un Antropología xchi'uk Historia (INAH), Procuraduría Agraria (PA), Procuraduría Federal yu'un Protección Ambiental

(PROFEPA), Comisión Federal yu'un Electricidad (CFE), Instituto Mexicano yu'un Propiedad Industrial (IMPI) xchi'uk Registro Agrario Nacional (RAN), xchi'uk yantik.

Jech xtok, li tsobol muk'ul tuneletik li'e, tey ta tsobsbaik ti yantik abteletik yu'un ajbalil ta svo'obal estaroetike.

v. K'elbanejetik. Ta xich' tael ta ik'el k'elbanejetik likemik li' ta slumalil Mejiko xchi'uk likemik ta yantik banomil ti ja' ep xojtikinik ti ich'el ta muk' ta slumalil ti bats'i binik-antsetike.

C. Skojol-koj ta pasel ti jak'el-ich'el ta muk' ta komone

Ti jak'el ich'el ta muk'e ta xich' pasel k'ucha'al sokojol koj li'e:

a) Slikebal xchapanel

Sventa le' xk'ot ta pasel ti komon jak'ele, yo' jech lek xich' ich'el ta venta ti lumetik-parajeetike, laj yich' chapanel vo'lajuneb (15) Tsobajel ta Regyonetik sventa muk'ul Komon Jak'el ti sbi'inoy Asambleas Regionales Cunsultivas, jech xtok, ja' ta xich' tunesel ti ba'yel lo'il-a'yej yu'un ajballitetik sventa munisipyoetik xchi'uk ch'in lumetik, parejeetik yu'un bast'i binik-antsetik ti bu ta x-ech' ti muk'ul abtele.

Jech xtok, la smeltsan jun skojol-koj mantal sventa komon-jamal xchi'uk lek ba'yel cholbil slo'il-smelolal sventa li ta komom kajk'obil li'e, ja' tey ts'ibtabil smantalil yo' lek xlok' ti abteletik li'e, ti sbunal taje stak' tael ta ojtikinel ta sbunal elektroniko www.gob.mx/inpi

Ti sbunal skojol-koj mantale, yich'oj ta venta jech buch'u oy k'op yu'un sventa yosilik xchi'uk ti ste'tikal yu'une, o k'usuk yan ti tsots sk'opla, ja' te ta sk'el ta xchapan ti Suprema Corte yu'un Justicia ti ta Nación, ta xich' K'elelbatel ja'to mi chapajem kom xchi'uk ti lum-parajee.

b) Ak'el lo'il-smelol:

Ta sk'ak'alil lok' ti komon ik'el li'e vinaj ta Diario Oficial yu'un Federación, ti Chabibanej yo' lek xk'ot ta pasel (Autoridad responsable) xchi'uk ti Tuk'ubtasbanej ta abtelaeletik (órgano técnico) ja' ta spuk'ik, ta xak'ik ta ojtikinel ta stekel medioetik ta slumalik ti bats'i binik-antsetik ti bu ta xbu' ti komon jak'ele.

Jech xtok, ba'yel ta xjam vo'lajuneb (15) Tsobajel Regionaletik sventa xak'ik Sjam-Smelol-Lo'il (Asambleas Regionales Informativas) ta sk'ak'alil 29 xchi'uk 30 ta yu'ilal noyempre ta sja'vilal 2019, ta xlil ta baluneb (9) ora sob-ik'lumal ta jujun lumetik ta xich' ak'el ta ojtikinel li' ta sbunale.



Ti lo'il sjam-smelol ta xich' ak'ele, ja' ta xak' ta ojtkinel ti k'ucha'al li'e:

- i. Ti k'usi smuk'ul sk'an ta spas ti komon jak'el li'e, xchi'uk ti k'uyelan skojol-skoj ta xich' pasel ti Regyon Muk'ul Tsobajeletike;
- ii. Lo'il sjam-smelol sventa sk'oplal Tak'in, slekilal-skuxlejal yu'un naklejetik, stalel-skuxlejal ti lumetike xchi'uk ti slekilal-sk'elel osiltik ta skoj ti "Muk'ul abtel yu'un lekubtasel kuxlejal ta Tren Maya"; xchi'uk,
- iii. Ta xich' pasel-ak'el jun ch'in bun ta stsob ti lo'il-sjam-smelol sventa ti Muk'ul Abtel li'e;

Ti jujun lumetik bu ta xich' pasel ti komon jak'ele xu' ta sjak'a yan lo'il sjam-smelol sventa ti k'uyelan juju koj ta xk'ot ta pasel ti komon jak'el li'e. Ti epal opisinaetik yu'un ajbalile ta xak'ik ta ojtkinel ta ts'akal skotol ti lo'il sjam-smelol, ta jujuntal jech ja' oy ta sk'obike.

c) Komon chapanel sk'oplal-lo'il ta lumetik:

K'alal mi tsuts ti Tsobajel ta Regionetik sventa xak'ik Sjam-Smelol-Lo'ile (Asambleas Regionales Informativas), jamal ta xkom ti Komon chapanel sk'oplal-lo'il ta lumetik: Li'e ja'o ti tsobanejetik, nitbanejetik, tuneletik xchi'uk ti jujun lum-parajeetike ti bats'i binik-antsetike xu' stsobsbaik ta xchapik sk'op-slo'il, ta sk'elik-snoppbik smelol ti a'bek la yich'ik ta ba'yel tsobajeletike yo' jech stak' slok'esik, chak'ik ta na'el ti k'usi ta sk'anik, ti k'usi lek chilik ta xkuxlejalik sventa smelolal ti "Muk'ul abtel yu'un lekubtasel kuxlejal ta Tren Maya".

d) Sk'ak'alil ti muk'ul Komon Jak'ele

Ti muk'ul komon jak'ele ja' ta xk'ot ta pasel ta svo'lajunebal (15) Tsobajel ta Regyonetik sventa muk'ul Komon Jak'el, ta sk'ak'aliltak chanlajuneb (14) xchi'uk vo'lajuneb (15) ta yuilal lisiempre ti ja'bil li'e, ta xlik ta baluneb (9) ora sob-ik'lumal.

Ti sk'ak'alil li'e, ja'o ti Jtunel sbainoj ti muk'ul abtele, ta slik'es ti komon lo'ile sventa ti bats'i binik-antsetike ta xak'ik ta ojtkinel ti snopbenike, ti xchapben lok' yu'unik ta razon ta slumalike, ti k'usi ta sk'anike, ti k'usi oy ta sjol-yo'ntonike, yo' jech xk'ot ta lekil ich'el ta muk' ti sk'op-slo'il ti bats'i binik-antsetike.

Ti k'usi yich' k'anele, ti k'usi lok' ta o'ntonale sventa xlekub ti Muk'ul Abtele ja' te tsakal ta xkom ta jun bun ti ja' jun Akta ta xcholme smelol ti k'uyelan k'ot ta pasel ti Tsobajele, ja' tey ta xvinaj ti spirmaik ti buch'utik k'ot yak'ik ti sk'op-slo'ilike xchi'uk ti spirmaik ti muk'ul tuneletik yich'ojik ta venta li Muk'ul Abtel li'e.

e) Sk'elelbate ta ts'akal

Ta Tsobajel ta Regyonetik sventa muk'ul Komon Jak'el, ta sba'anik Tuneletik ta Sk'elikbatel ta melel lek ta xich' ich'el ta muk sk'otol ti k'usi k'otanuk ta chapanele. Ti INPI-e ja' ta sk'elbatel ti melel k'otuk ta pasel skotol ti chapaj ta Muk'ul Tsobajel sventa Komon Jak'ele.

f) Yantik sbeilal ta tsopbel ti k'usltik yich' k'anele

Las autoridades y representantes de las comunidades indígenas, así como los ciudadanos pertenecientes a dichas comunidades podrán remitir sus propuestas, opiniones, sugerencias o planteamientos al siguiente correo electrónico: derechosindigenas@inpi.gob.mx

Ti jtuneletik xichi'uk nitbanejetik ta slumalil ti bats'i binik-antsetike, xchi'uk ti naklejetik ta komone, stak' stakik batel ti k'usi ta sk'anike, ti snopbenike, ti k'usi oy ta yo'nton sventa ti Muk'ul Abtele, ta koreo ik': derechosindigenas@inpi.gob.mx

Jech xtok, stak' ak'el tuk' ta s-Opisinail sventa Represtación xchi'uk ta Centros Coordinadores yu'un Pueblos Indígenas ta INPI.

D. Lumetik xchi'uk sk'ak'aliltak sventa ti Muk'ul Komon Jak'ele:

Ti Tsobajel ta Regyonetik sventa muk'ul Komon Jak'el ta slumal ti bats'i binik-antsetike ja' ta xk'ot ta pasel ta lumetik xchi'uk sk'ak'aliltak li'e:

Esteroetik ta slumal Mejiko	Lumetik	Slumal bats'i binik-ants	Sk'ak'aliltak chak'ik sjam-smelol	Sk'akaliltak ti Muk'ul Komon Jak'ele
Chiapas	Palenque, Palenque	Ch'ol y Tseltal.	29 de noviembre de 2019	14 de diciembre de 2019
Tabasco	Tenosique, Tenosique	Tseltal, Ch'ol y Tsotsil.	30 de noviembre de 2019	15 de diciembre de 2019
Campeche	Xpujil, Calakmul	Maya Peninsular y Ch'ol.	30 de noviembre de 2019	15 de diciembre de 2019
Campeche	Don Samuel, Escárcega	Maya Peninsular	30 de noviembre de 2019	15 de diciembre de 2019
Campeche	Felipe Carrillo Puerto, Champotón	Maya Peninsular	30 de noviembre de 2019	15 de diciembre de 2019



Campeche	Tenabo, Tenabo	Maya Peninsular	29 de noviembre de 2019	14 de diciembre de 2019
Yucatán	Pisté, Tinum	Maya Peninsular	29 de noviembre de 2019	14 de diciembre de 2019
Yucatán	Chichimilá, Chichimilá	Maya Peninsular	29 de noviembre de 2019	14 de diciembre de 2019
Yucatán	Tunkás, Tunkás,	Maya Peninsular	29 de noviembre de 2019	14 de diciembre de 2019
Yucatán	Tixpéhual, Tixpéhual,	Maya Peninsular	29 de noviembre de 2019	14 de diciembre de 2019
Yucatán	Maxcanú, Maxcanú	Maya Peninsular	29 de noviembre de 2019	14 de diciembre de 2019
Quintana Roo	Reforma, Bacalar	Maya Peninsular	30 de noviembre de 2019	15 de diciembre de 2019
Quintana Roo	Xul-há, Othón P. Blanco	Maya Peninsular	30 de noviembre de 2019	15 de diciembre de 2019
Quintana Roo	X- Hazil Sur, Felipe Carrillo Puerto	Maya Peninsular	30 de noviembre de 2019	15 de diciembre de 2019
Quintana Roo	Cobá, Tulum	Maya Peninsular	30 de noviembre de 2019	15 de diciembre de 2019

Ti le' stuk'il ti bu ta xk'ot ta pasel ti Muk'ul Tsobajel ta jujun lum ta Rejyonetike, ja' tey a xich' ak'el ta ojtikinel ta spajinail ta ik': inpi@inpi.gob.mx, jech xtok, ta xich' jelubtasel ep ta velta ta Sistema yu'un Radiodifusoras Culturales Indígenas yu'un INPI, jech k'ucho'al ta yantik kanaletik tí yich'ojan ta venta ti ajbaliletike.

II. SVENTA XLOK' YAK' YEIK TI NAKLEJETIKE

a) K'usi sk'eloj

Sventa xlok' yak' yeik ti naklejetike, k'usi sk'eloje ja':

Toyel sk'opla ti naklejetike sventa xlok'ik yak' yeik ti k'usi sk'an pasele, xchi'uk oyuk lek chapal xchi'uk ta yorailno'ox ti sjam-smelol sventa sk'opla ti "Muk'ul abtel yu'un lekubtasel kuxlejal ta Tren Maya", yo' jech stsak yip

sk'op-slo'il ti naklejetik ta jujun teklumetike, yo' jech stsak yipik ta tso'bol ti teklumetike, ak'o stsak yip ti opisinaetik yu'un ajbalile xchi'uk ak'o abtejuk lek ta komon ta sjunul steklumale.

a) Ti k'uyelan xu' xlok'ik yak' yeik ti naklejetike

Previo a la jornada de participación de la ciudadanía, se realizarán brigadas informativas con la finalidad de sensibilizar a la población sobre la importancia de su participación y proporcionarle información del Proyecto.

K'alal muto xk'ot sk'ak'alil xlok'ik yak' yeik ti naklejetike, oy ba'lejetik ta xlok' spukik ti lo'il-a'yeje yo' jech k'unk'un xabik smelol ti naklejetike xchi'uk ti k'uch'al tsots k'oplal ti xu' xlok'ik yak' ti yeike, jech xtok ta xich' cholbel smelol ti Muk'ul Abtele.

Ta vo'lajuneb (15) sk'ak'alil yual lisiempre ti ja'bil li'e, ta xich' yamel snail sventa chak'ik slo'il-snopben ti naklejetik ta estaro yu'un Chiapas, Tabasco, Campeche, Yucatán xchi'uk Quintana Roo. Ti ya'yej-slo'il-snopben ti naklejetike tey ta stik' ta jun kasiya xchi'uk ta jun bun. Ti kasiyaetike ta xlil sjamik ta vaxakib (8:00) ora sob-ikluman kalalto vakib (18:00) ora mal k'ak'al (yorail jujun lum). Ti jujun snailale ta xich' jamel ta jujun munisipyo ti bu ta x-ech' sbe ti trene ti k'uyelan komem ta sbunal ti "Muk'ul abtel yu'un lekubtasel kuxlejal ta Tren Maya".

Ti Ajbalil yu'un Mejikoe ta spuk sk'oplal ti bu oy ti jujun snail sventa chak'ik slo'il-snopben ti naklejetik, ta sitioal ta ik' www.participacionsocial.gob.mx. Ta sitio li'e ja' te xu' sta ti naklejetike ti k'uyelan laj yich' sa'el ti snail moduloe, xchi'uk ti k'u yepal ti boletaetike, xchi'uk ti k'uyelan ta xak'sbaik ta ojtikinel ti jujun naklejetik ta xk'ot yak' ye'ile. Tey ta xich' cholbel smelol ti k'uyelan yi'ch t'ujel ti naklejetike, ti buch'u ochemik ta listae, xchi'uk ti k'uyelan xu' xjelavike, tekel taje ja' vinaj-o ti k'u yepal boletaetik ta xich' tunesel ta jujun modulo.

III. SJAM-A'YEJ XCHI'UK SNAILAL YICH'OJANIK TA VENTA

Sventa xich' jambel smelol-ya'yejal ti muk'ul jak'e ta slumal bats'i binik-antsetike, xu' xa k'otik ta jujun Centro Coordinador yu'un Pueblos Indígenas oyik ta Palenque, Chiapas; Nacajuca xchi'uk Tenosique ta estaro yu'un Tabasco; Kalkiní, Hopelchén, X'pujil xchi'u Escárcega ta estaro yu'un Campeche; Maxcanú, Peto, Sotuta xchi'uk Valladolid ta estaro yu'un Yucatán; jech k'ucha'al ta Felipe Carrillo Puerto, Nuevo X'Can xchi'uk Jose María Morelos ta estaro yu'un Quintana Roo; xu' xtok ta s-opisinail yu'un Instituto Nacional de los Pueblos Indígenas ta jujun estaroetik li'e xchi'uk ta me'il opisinaetik: koreo ta ik': derechosindigenas@inpi.gob.mx. Ch'ojon tak'in: (55) 91 83 21 00 Ext. 7542, 7562 xchi'uk 7564.


Ta slumalil Mejiko; chanlajunebn(14) sk'ak'alil yual noyempre sja'bilal 2019.

POR EL FONDO NACIONAL DE FOMENTO AL TURISMO



MILARDY DOUGLAS ROGELIO JIMÉNEZ PONS GÓMEZ
DIRECTOR GENERAL

POR LA SECRETARÍA DE GOBERNACIÓN



MAESTRA DIANA ÁLVAREZ MAURY
SUBSECRETARIA DE DESARROLLO DEMOCRÁTICO, PARTICIPACIÓN SOCIAL
Y ASUNTOS RELIGIOSOS

POR EL INSTITUTO NACIONAL DE LOS PUEBLOS INDÍGENAS



LICENCIADO ADELFO REGINO MONTES
DIRECTOR GENERAL